

Na osnovu člana 118. Zakona o radu („Službene novine FBiH“ broj: 26/16 i 89/18), člana 143. stav (2) alineja d) Zakona o srednjem obrazovanju („Službene novine Kantona Sarajevo“ broj: 23/17,30/19 i 33/21), Pravilnika sa kriterijima za prijem radnika u radni odnos u srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 12/22) nakon konsultacije sa sindikalnom organizacijom, Školski odbor Javne ustanove Srednja škola za okoliš i drvni dizajn Sarajevo na sjednici održanoj dana 28.04.2022. godine, donio je:

PRAVILNIK
O IZMJENAMA PRAVILNIKA O RADU UNUTRAŠNJOJ ORGANIZACIJI I
SISTEMATIZACIJI RADNIH MJESTA JU SREDNJA ŠKOLA ZA OKOLIŠ I DRVNI
DIZAJN

Član 1.

U Pravilniku o radu, unutrašnjoj organizaciji i sistematizaciji radnih mjesta u Javnoj ustanovi Srednja škola za okoliš i drvni dizajn Sarajevo, (Pravilnik broj: 04/01-1-973/2021 od 03.05.2021. godine).

U članu 26. mijenjaju se stavovi: (1), (2), (3), (4), (5), (6), (7), i (8) i glase:

Član 26.

(Konkursna procedura)

- (1) Uslovi i način objavljivanja javnog konkursa, provođenje procedure prijema u radni odnos s kriterijima za bodovanje i prednost pri prijemu po osnovu dopunskih prava boraca – branitelja BiH, imenovanje, razrješenje i rad konkursne komisije, donošenje odluke o prijemu u radni odnos, podnošenje žalbe, poništenje javnog konkursa, zaključivanje ugovora o radu, propisani su Pravilnikom sa kriterijima za prijem radnika u radni odnos u srednjim školama kao javnim ustanovama na području Kantona Sarajevo.
- (2) Direktor škole rješenjem imenuje i razrješava Komisiju koju čine tri člana: predsjednik sindikalne organizacije ili lice koje on ovlasti da umjesto njega bude ovlašten predstavnik Sindikata i dva člana iz reda radnika škole, koje predlaže direktor.
- (3) Direktor škole vrši izbor radnika prema odredbama Pravilnika sa kriterijima za prijem radnika u radni odnos u srednjim školama kao javnim ustanovama na području Kantona Sarajevo.
- (4) Kandidati koji su nezadovoljni odlukom o izboru radnika mogu uložiti žalbu u pisanoj formi školskom odboru škole u roku od sedam dana od dana prijema odluke.
- (5) Školski odbor je obavezan donijeti odluku o žalbi u roku od osam dana od prijema iste i istu dostaviti podnosiocu žalbe.
- (6) Ukoliko školski odbor usvoji žalbu kao osnovanu obavezan je donijeti odluku o otklanjanju nepravilnosti bez poništenja konkursa.
- (7) Za donošenje odluke o poništenju konkursa u žalbenom postupku potrebno je pribaviti saglasnost ministra.
- (8) Odluka školskog odbora je konačna i protiv iste nije dopuštena žalba, ali se može pokrenuti spor u roku od 30 dana od dana prijema odluke, podnošenjem tužbe Kantonalnom sudu u Sarajevu.

U članu 26. u stavovima (10) i (11) riječi „30 dana“ zamjenjuju se riječima „7 dana“.

Član 2.
(Stupanje na snagu)

Ovaj Pravilnik o izmjeni i dopuni Pravilnika o radu Javne ustanove Srednja škola za okoliš i drveni dizajn Sarajevo stupa na snagu danom objavljivanja na oglasnoj ploči i web stranici škole.

Član 9.

Ostali članovi Pravilnika ostaju nepromijenjeni.

Broj: 04/01-1-1082/2022
Sarajevo, 28.04.2022. godine

PREDSJEDNIK ŠKOLSKOG ODBORA

Eniz Tahmaz
Eniz Tahmaz, dipl.ing.šum.

